

Carian



Soalan Lazim



Hubungi Kami



Aduan dan
Maklum Balas



Peta Laman

 Utama

Profil Kementerian ▾

Piagam Pelanggan

Hubungi Kami ▾

[Utama](#) [Arkib](#) [2017](#) [Petikan Akhbar](#) [Utusan Malaysia - Malaysia Perlu Aktiviti Ekonomi Nilai Tambah](#)

Utusan Malaysia - Malaysia Perlu Aktiviti Ekonomi Nilai Tambah

 [Jumaat, Jun 16 2017](#)



Bajet 2018 dibentang di Parlimen 27 Oktober ini

Malaysia perlu aktiviti ekonomi nilai tambah

Oleh KAMIL MASLIH

pengarang@utusan.com.my

■ PUTRAJAYA 15 JUN

MALAYSIA perlu menjalankan aktiviti-aktiviti ekonomi yang mempunyai nilai tambah bagi memastikan negara terus berdaya saing dalam ekonomi global.

Perdana Menteri, Datuk Seri Najib Tun Razak berkata, menerusi semangat keusahawanan yang dipacu dengan budaya inovasi dan kreativiti, Malaysia mampu membentuk kepelbagaian ekonomi dan memiliki kelebihan berbanding negara-negara lain.

Beliau yang juga Menteri Kewangan menambah, negara juga perlu mengemas kini dari segi teknologi dan pendigitalan yang memainkan peranan besar untuk meningkatkan produktiviti.

“Berdasarkan persekitaran luar yang mencabar, kita perlu berhati-hati dan meneruskan untuk mewujudkan lapisan-lapisan pemampatan, menggalakkan pertumbuhan ekonomi jangka panjang, menggalakkan eksport dan mengurangkan lebihan akaun semasa,” katanya dalam ucapan ketika mempengerusikan Majlis Konsultansi Bajet 2018 di Kementerian Kewangan di sini hari ini.

Yang hadir sama Menteri Kewangan II, Datuk Seri Johari Abdul Ghani; Timbalan Menteri Kewangan I, Datuk Othman Aziz; Ketua Setiausaha Perbendaharaan, Tan Sri Dr. Mohd. Irwan Serigar Abdullah dan Gabenor



NAJIB TUN RAZAK berucap merasmikan Majlis Konsultasi Bajet 2018 bertemakan *Negaraku Membentuk Masa Depan* di Kementerian Kewangan, Putrajaya, semalam. - BERNAMA

Bank Negara, Datuk Seri Muhammad Ibrahim.

Dalam majlis yang disertai wakil-wakil dari sektor awam, swasta dan pertubuhan bukan kerajaan (NGO) itu, Najib mengumumkan Bajet 2018 akan dibentangkan di Parlimen pada 27 Oktober ini.

Jelas Najib, berdasarkan perkembangan semasa, negara berada pada landasan yang baik untuk mencatatkan pertumbuhan ekonomi lebih tinggi antara 4.3 hingga 4.8 peratus tahun ini.

Katanya, kerajaan juga akan meneruskan langkah-langkah berhemah untuk mengurangkan defisit fiskal sebanyak 3.0 peratus ber-

banding Keluaran Dalam Negara Kasar (KDNK) pada tahun ini.

Beliau memberitahu, sekiranya kerajaan tidak tegas melaksanakan pembaharuan fiskal dan kewangan menerusi Dasar Transformasi Nasional, negara berkemungkinan berada dalam keadaan kemelesetan berikutan ketidakpastian ekonomi global.

“Kita telah memilih jalan yang bukan mudah dan ini membolehkan ekonomi kita berdaya tahan untuk kejutan-kejutan ekonomi, meskipun dalam keadaan harga minyak dunia jatuh, kita dapat menempuhnya tanpa memberi banyak beban kepada rakyat dan mereka juga tidak sedar kesu-

karan dihadapi negara-negara lain,” katanya.

Beliau memberitahu, kerajaan juga mengenal pasti keusahawanan sebagai antara pemacu utama pertumbuhan ekonomi bagi mewujudkan kekayaan baharu, meningkatkan inovasi dan teknologi serta mengurangkan kemiskinan.

Dalam pada itu, Najib memberitahu, kerajaan akan mendengar setiap cadangan dan pandangan rakyat bagi menggubal Bajet 2018 yang dapat menangani keperluan golongan berpendapatan rendah dan sederhana serta isu kenaikan kos sara hidup dan perumahan mampu milik.



- BISNES
- AGENSI
- WARGA

Perkhidmatan MOF

Perkhidmatan Atas Talian

Aplikasi Mudah Alih

Laman Mikro

e-Penyertaan & Maklumbalas

Statistik & Prestasi

Pautan

Agensi

Hubungi Kami

Kementerian Kewangan Malaysia
No. 5 Persiaran Perdana, Presint 2,
Pusat Pentadbiran Kerajaan Persekutuan,
62592 WP PUTRAJAYA

☎ 03-8000 8000

📠 03-88823893 / 03-88823894

✉ [pro\[at\]treasury\[dot\]gov\[dot\]my](mailto:pro[at]treasury[dot]gov[dot]my)



© **Hakcipta Terpelihara Kementerian Kewangan Malaysia.**

Paparan terbaik menggunakan pelayar internet Safari, Chrome atau Firefox yang terkini.

Kemaskini terakhir: **12 Februari 2020** | Jumlah Pelawat: **27637216**

